

〔清〕赵烈文撰

能静居日记

四



[清]赵烈文、撰 廖承良、标点整理

能静居日记

光緒四年正月—光緒十五年六月

四

岳麓書社·長沙

图书在版编目(CIP)数据

能静居日记/(清)赵烈文撰. —长沙:岳麓书社,2013.7

ISBN 978-7-5538-0002-8

I. 能... II. ①赵... III. ①赵烈文(1832~1894)

—日记 IV. K827=52

中国版本图书馆 CIP 数据核字(2012)第 264503 号

NENGJINGJU RIJI

能静居日记(全四册)

作者:[清]赵烈文

标点整理:廖承良

责任编辑:刘文(canghai5000@163.com)

责任校对:舒舍

特邀审稿:王杰成

装帧设计:胡颖

岳麓书社出版发行

地址:湖南省长沙市爱民路47号

电话:0731—88885616(邮购)

邮编:410006

网址:www.yueluhistory.com

2013年7月第1版第1次印刷

开本:960×640 1/16

印张:151.75

字数:2016千字

印数:1—2,500

ISBN 978-7-5538-0002-8/K·347

定价:450.00元

承印:长沙超峰印刷有限公司

如有印装质量问题,请与本社印务部联系

电话:0731—88884129

目 录

弁言	1
咸丰八年	3
咸丰九年	43
咸丰十年	102
咸丰十一年 ^①	259
同治元年	462
同治二年	617
同治三年	725
同治四年	853
同治五年	960
同治六年	1021
同治七年	1141
同治八年	1233
同治九年	1308
同治十年	1387
同治十一年	1470
同治十二年	1532
同治十三年	1587
光绪元年	1639
光绪二年	1733

① 正文作“咸丰十有一载”，目录及相应书眉以简明计，改为“咸丰十一年”，后面照此处理，不另注。

光绪三年	1787
光绪四年	1845
光绪五年	1906
光绪六年	1954
光绪七年	2006
光绪八年	2057
光绪九年	2112
光绪十年	2157
光绪十一年	2209
光绪十二年	2248
光绪十三年	2293
光绪十四年	2339
光绪十五年	2379

光緒四年岁在著雍摄提格，余年四十七岁。

正月甲寅

元旦辛亥。阴，微风。

黎明起，率家人拜天及先圣，次供十方佛，祀灶，祀先祖。称贺如往年。

1845

发笔占流年课得：升至师。

发笔占流年课得：升至师。

妻财双持，世应未交，立春仍系丑将，且比劫全无，财爻可为甚旺。动爻官鬼为午火回头克尽，化出子孙福德之爻，为世爻原神。全卦无冲、无破、无空，可谓吉祥安静之课。此卦全不验。九月注。

妻财双持，世应未交，立春仍系丑将，且比劫全无，财爻可为甚旺。动爻官鬼为午火回头克尽，化出子孙福德之爻，为世爻原神。全卦无冲、无破、无空，可谓吉祥安静之课。此卦全不验。九月注。

《易林》之卦辞：鸳鸯会稽，稍巨能飞。翱翔桂林，为众鸟雄。

《易林》之卦辞：鸳鸯会稽，稍巨能飞。翱翔桂林，为众鸟雄。

已刻悬曾文正公小象于雪亭，祀以清茗佳果，陈宋槩本书，拜毕旋撤，嗣后每年为故事。午、晚祀先如礼。

已刻悬曾文正公小象于雪亭，祀以清茗佳果，陈宋槩本书，拜毕旋撤，嗣后每年为故事。午、晚祀先如礼。

初二日壬子。微雨雪。

初二日壬子。微雨雪。

晨起祀先毕，以诞日家人称贺。至诸家贺年，惟方处及杨书城处、赵次侯处降舆入，余均谢客。次侯家亦仅见其两子，未刻归。子谨、子永、子顺来。曾君遴来候贺年兼贺寿，谢之不得，出见少谭。

晨起祀先毕，以诞日家人称贺。至诸家贺年，惟方处及杨书城处、赵次侯处降舆入，余均谢客。次侯家亦仅见其两子，未刻归。子谨、子永、子顺来。曾君遴来候贺年兼贺寿，谢之不得，出见少谭。

初三日癸丑。霁有日色。

午间祀先毕，收影象。

初四日甲寅。晴。

初五日乙卯。晴。

同次儿宽至方处早食毕，同至各书肆阅书及茶店饮茗，午后归。与儿子等捡点所藏书籍。写金眉生信，为购垂柳百株，遣奴子送往。初六发专足。

初六日丙辰。阴。

答候曾君遴谢寿，兼晤潘子昭。

初七日丁巳。阴寒，大雪。

初八日戊午。雨。

初九日己未。雨。

初十日庚申。阴，夜霁有月。

接阿哥三年十二月二十三日信。

十一日辛酉。晴。

接金眉生三年十二月二十日信。

十二日壬戌。薄阴，有日色。

赴曾君表、君遴招饮，同座杨咏春、潘子昭、杨鹤峰、陆云生、涑文、叶翥云，下午散归。

接施励卿初八日信，寄《谷朗碑》一张，梁普通元年砖一出。

十三日癸亥。阴。

写施励卿信，答寄易州碑拓一包。即发交来足。

十四日甲子。阴。

十五日乙丑。阴雨。

十六日丙寅。晴，下午复阴曛。

督园丁修整园树。延次婿子永课次子、长孙读。

十七日丁卯。阴。

修园树复竟日甫毕。

十八日戊辰。阴，细雨。

接金眉生初十日信。

十九日己巳。阴。

二十日庚午。晴。

晨至杨滨石太常处贺其续娶，时年已五十五，新人年三十馀，夫妇共有九十岁，亦创闻也。归途至杨咏春处少谭。

二十一日辛未。晴。

二十二日壬申。晴。

接魏般仲初六日信。

二十三日癸酉。晴。

二十四日甲戌。阴。

二十五日乙亥。阴。

子谨来谭。下午雷振初副将来候，未之见。

二十六日丙子。阴。

得周处信，知孟輿竟于去腊二十日去世，此子俊朗有才，早年甚嗜读书，心地亦厚，事余犹父。同治六七年间，始与其表弟李伯孟亲密，又以书局事在苏多接浮夸之友，嗣后遂日趋下流，疏远正士，疾视老成。余苦口告戒，致成寇仇。然犹不察。十一年复闻其南中狼狈，召之北行，抵署时颇恭谨，未逾年，放纵益甚末流，至于腾书痛诋，不别而去。余亦不得不相远避，尚冀其阅历艰难，渐能悔悟，乃以积劳兼之不慎，遽夭天年。家室流离，无复可望，念之摧怀。扪心虽无甚愧，而舅甥至亲，不能教诲防闲于前，又不能隐忍含容于后，殊无面目见亡姊于地下耳。自得信后胸次作恶，为之食不下咽。写金眉生信，魏盘仲信。均即发信局。

接金眉生十六日信。

二十七日丁丑。阴。

子谨来谭。下午答候雷震初不晤，又答其后任叶吟伯全庆，江宁

人。少谭。

二十八日戊寅。阴。

里人张润生来见候。

二十九日己卯。阴。

种长松二株，一于喜林门内，一于池心方洲。

接子宪兄十二日信。又宗湘文三年十二月二十四日信。

三十日庚辰。雨。

早至陆云生、涑文家祝其母夫人寿。还至子谨家，并晤张润生，谭至下午归。

《元亲征录》一卷：

无撰人，何愿船秋涛校正本。此书为订正《元史》者之资粮，然亦断烂朝报。

二月乙卯

朔日辛巳。雨。

雨中植竹十馀本于乐林门外。

初二日壬午。雨。

移植翠薇一株于静溪北天放楼前。写仲颖、叔桓二侄信。即发信局。李眉生信。同上。

初三日癸未。阴，亭午有日。

远心堂榜成，是午悬挂。夜子谨来久谭。

接周甥女正月三十日信，前属吉止函询孟舆身故情形，兹复云尚傍人信，未知底细。

初四日甲申。晴。

午后赴杨鹤峰招饮，同座杨咏春、滨石、书城、张岳生、曾君表、君静、赵作人等甚众。席终同咏老至书成家久谭，傍晚归。

初五日乙酉。晴。

植碧桃九株于静溪之东西南岸，溪中方洲名之曰“静渚”，植梅一、梨一、櫻桃一、绣球一。

初六日丙戌。阴，夜雨。

下午延张润生及子谨、子永饮，二鼓散。

初七日丁亥。阴。

写子寿信，归屏如信，完甫信。二十一发交子谨。

复黄子寿书

去岁孟冬之杪，奉函讯，兼赐法书，文绣珍食，地则千里，时逾数年，故人之心，的的尚尔。沉默寂寥之中，为之煦然春满。始去，公有挂席吴江之约，想帷幄之谋，文字之请，正未有暇。虽闻全志当就梓南中，犹不敢遽望颜色。阔别以世论，开缄能无神往。

1849

并豫幽青，竟成浩劫，僻处偶闻传说，至于掩耳。幸名贤项领相望，赤心拯援，而米贵途艰，恐亦计穷力尽。昔富郑公一官青州，自云胜二十四考中书令，计所活廿馀万饥民耳。乌有至数百万人而能尽免沟壑者。荒政诸书，部帙丛多，不过补偏救弊，非有仙人点金之术。见卯求夜之非早，羨鱼结网之已迟。或者图谋于未雨之时，擘画于散赈之外，立心精专，刊落华伪，庶天灾流行，不为民害者乎？

见询金石纂稿，注意不复相须，故虽随时结集，而迄无定本，惶愧！惶愧！私计斯作颇有数难，常山贞石、赵州全刻，诸寺皆见原石，或收拓本，故得逐篇详订。此则仅凭目录诸家，不独篇中疑义无可发挥，往往此出彼入，沿谬踵误。如石经碑本在房山，而《日下旧闻》列之大宛；谭柘诸僧阡表，《访碑录》置之蓟州。欲其事事核实恐难。自信志乘金石，非徒嗜古，盖欲知今。故《景定建康志》载石刻，至己身所作，然访求于一地，尚易为力，搜讨于全省岂所能胜。又况穷居相隔千里，或载或否，则挂漏孔多，断自前朝，又非志体。综直隶而论，有金石家记载可考者，

仅一二邑，馀它简略，尽属无征。多者既不可弃，少者又难虚造，汇成简帙，盈虚径庭，相形弥绌。有此数难，哀集即成，恐为全书之玷。但公意如此，夙诺有年，谨当略置讥评，胪列故见，早则夏季，迟则秋间，决可缮录就正。至抄胥笔贻，姑不敢领，俟览定一二足采，再糜公廩，未为晚也。

贱躯养息，渐少疾痛，而蒲柳之质，内实早衰。多言则舌蹇，多视则目昏，禀赋有限，非伊人力。公谓田间终老不可必者，终则决矣，老则正未能自信。南中书册精本，久已不胫而走，杜门来亦遂不求。室中旧侍以不耐寒薄请去，近供驱使者，幼婢能捧砚耳，尚未学养子，孙男二人，皆归田以前所生。不如公别后之玉雪当前、芝兰继茁为可企羨也。承询敢布一一。

夹袋绣碑，精雅绝俗，兹命长女纂组为答。海虞近摹宋槧《陶集》，奉助校讎。叵无佳品足敌公洋枪队者，蜜渍橙橘，鱼肝并去。再同、秦生两兄，想学诣日进。在远久无由请问，如何？如何？乘子谨去便，缕道近状，敬请道安。同局诸公一一贡念。

初八日戊子。晴。

天日晴朗，园梅渐开，与家人巡塍玩赏。

接阿哥正月二十日信，又颖侄正月十九日信。又金眉生初四日信。

初九日己丑。晴。

答访张润生及其居亭曹景涵。又答候李升兰少谭。旋至张润生寓，同过子谨久坐。下午偕阅市，得味辛先生刻唐独孤及《毗陵集》，又上海徐渭仁刻《春晖堂丛书》。

接金眉生某日信。

初十日庚寅。晴。

子谨来久谭。写六姊、槐亭公信，贺姊五十寿。即发。周甥女信，询孟甥身后事。即发信船。子宪兄信。即发交张润生便。金眉生信。即发信船。

十一日辛卯。晴。

子謹、张润生邀至小石洞，同行者子永、实儿及曹景涵。傍晚归。

十二日壬辰。晴。

曲阜人孔桂轩持碑拓来，得五凤石刻、上谷府卿、况基卿、郭君开褒、余道、苍颉碑、会仙友、沈君阙、武梁祠等汉唐碑数十种。

十三日癸巳。晴。

陕人雷某来，得汉唐小种十馀。下午张润生来辞行返里。

十四日甲午。晴。

写少颖侄信，任群伯信。二十一发交子谨。下午招子谨昆弟小酌。接曾沅甫正月二十五日信。

十五日乙未。晴。

溪北斗诗第二图序

昔王维居辋川，图其胜概为二卷，流传至元明间犹存于世。维号达者，不传舍逆旅视其居，而图之不已，乃又图之，何好事之甚哉？人之生也有涯，而世无涯，螻蛄之岁月，游处于是，饮食于是，歌啸于是，鼎鼎尔欲使之与日月齐寿，虽童呆犹知其愚。然而一时怀抱之所寄，往往托之豪素，更千载而不朽。非其情之厚、志之专，有以凝固而不解者，乌睹其能然也。

曾中翰君静，深于情者也。自余集海虞名士，为溪北斗诗之举，君静既属其友吴秋农为图以赠，又约小之为斗诗第二图，而自藏弃之，更征余序。余逃世名，终年戢影于蓬庐之下，顾炫诸君之美富，以忘其丑，将欲使后之视今，犹今之视昔乎？抑何其情之溃樊决篱，日骋千里，而不能以自守也？而奚更序之。虽然，可逃者名，不可逃者情乎。

甘食悦色，朋游博弈，旦暮之情也；高位以弋，丰财以纳，终身之情也；若夫役志于冥冥，寄想于未形，其为志不远且大，而实吾侪之情也欤？又况罗四维，掩八极，鹏飞之不能

运，亥步之所不能踪，古之贤杰流连想望不能去者，而余又焉逃乎。会君静以楮至，述余之情以告之，以为斯图序。君静以楮来，书此以道余情。若图之地、之人、之时，杨濠州记及之矣。

溪北斗诗第三图序

按人之情皆有托，上之析圭儋爵，弼谐于朝，下之荷锄把耒，劳力于野，夜有思，日有营，所与之殊乎而欣欣者，未或有异同也。列圃之树，花繁者实寡，决云之禽，与翼者夺足。各囿所域，而矜其所长以自鸣，相与驱娑骀宕于玄黄之间。天之隆德，莫或能胜。余也海虞之逸叟，与南兰陵之逋民遇，恒道斯义而相笑。

大雪既降，逋民集叟及其同志于所居之静溪之北，饮酒乐，既而诗之，既而图之。叟又受图覆之，于是斯图盖已之矣。夫叟不图其居，而图人之居，且不自图，而覆人之图，义得毋剩乎？而不厌为者，有托焉已尔。且树之于花实，非有憎喜也；禽之于翼足，非有人取已也；人之于圭爵、锄耒，非可已而不已也。蕴于中者托于外，境之所守，心之所宣。天之苍苍，为是温热凉寒；地之芒芒，为是群山下川。历万古而莫止者，奚独余数人之沾沾也哉！图成之逾二年，叟以示民，为序之如此。

十六日丙申。阴，夜微雨。

溪北斗诗第二图序 重定本

昔王维居辋川，图其胜概为二卷，世贵重之，久而不泯。维号达者，曷不传舍逆旅视其居，而图之不已，再图之，何其不惮烦也。人之生也有涯而世无涯，蟋蟀之岁月，游处于是，饮食于是，歌啸于是，鼎鼎尔欲使与日月齐寿。童呆犹谓之愚也。然而一时怀抱之所寄，往往托诸豪素，更千载而不朽。非其情之厚、志之专、有以凝固而不解者，乌睹其能然也。

曾中翰君静，富于情者也。自余集海虞知名士为溪北斗诗之举，君静既属其友吴秋农作图以赠，又约小之为斗诗第二图，而自藏弃之，更征余序。余逃世名，终年戢影于蓬庐之下，乃炫诸君之藻采，以忘其丑，将慕于维之徒而效之乎，抑何其情之溃樊

决篱，日骋千里，而不能以自守也。而奚更序为。虽然，可逃者名，不可逃者情。盈酒罗色，游谈朋说，旦夕之情也；货贿以入，高位以弋，终身之情也；若役志于冥冥，寄想于未形，斯于情何物而何名。夫不有所择，安有所执。又况罗四维，掩八极，鹏飞之所不能运，亥步之所不能迹，古贤杰之士流连往复，以写其陶陶者，盖欲外之而不得，而余又焉逃之。

序成，君静以楮至，为书之以谕来哲。若图之地之人之时，杨濠州记已及之矣。

十七日丁酉。晴。

接周甥女十五日信。

十八日戊戌。晴，暄和，始衣棉袍。

早至赵作人家贺寿，其庶母某氏有鞠育之劳，七十称觞也。旋过咏春潭。午间春分合祀先祖。夜子谨等来餽。

十九日己亥。晴。

柳风堤及南洲植秋藤六株。孟與甥妇自木渚来，至其舟中吊之，道家事狼狈之状，为之惨然。余家资产微薄，而官中尚有应领之款，拟以千金为助，但不知有司出入之吝，得如愿以偿否？当托友人关说也。下午子谨来，谭至二鼓去，将欲以后日成行至直隶。

二十日庚子。晴，夜雨。

写周钧甫信。二十一发交子谨。夜子谨来告辞北行。

接金眉生十八日信。

致周钧甫书

钧甫老弟足下：

去岁复讫，谅登签室。北中人至，传闻德义修明，文史自重，企佩，企佩。

前月之杪，惊悉孟甥竟夭天年，始骇继悲，为之神情恹恍者累日而不能已。弢老之宏厚，家姊之慈淑，似当有子克家，即孟甥中年沦落不偶，而其始初亦未尝不好学乐善。却意欲冀其阅历

艰辛，折节改行，以承先绪，乃今遂无可望，能不痛伤。其家事之狼狈，殆不忍言。东西漂流，无立锥之地，曩年割屋后数椽与共门户，今两家人口渐众，势不能容。居无茅茨之庇，食无升斗之储，而费用素繁，债累尤重，啼号在途，生事茫然，固不待见西华之葛帔，而后伤其蕉萃也。

烈既至亲，同居甚久，其家事缕屑能知，是以罢官之时曾欲代筹久计，不意其命途乖舛，人事不齐，垂成而自败。往事念之心痍，且久在知见，不必言矣。若烈之近况，衣食仅可补苴，岂皇他及。且其一家十馀口，无丝粟之藉，相濡以沫，何益久长。转展筹思，寢食为废。烈北中应领官款为数尚多，第交代未清，而陵工意忖长垫积年例案，忽为部胥生风陡驳，故应领应解款数虽有馀，而外费旁转无定数，此时请领颇难邀准，然舍此以外，更无涓滴能于旁润。用特专函奉商，由烈出具大差归垫实银一千两印领，领出后存放公中妥处提利专为伊家糊口之用。惟司库能否准发，殊无把握。烈在远方，绝无切近援助之人，不得不仰资大力，设法请求当事。俯念亡者室家不保，而烈斯举尚出至诚，非甘食美衣之私见，破格允行，不翅生死肉骨，或亦慈人君子所乐为也。事如属可行，印领一切可告子谨。至院司之费，仍由烈另具总归一千成数，不欠缺为率。

再如归殡一节，道路太遥，伊家非但无此力，亦无此人，必须仰仗中堂宪恩，俾资官力运送至津后，再由其家迎取。又有《平捻记》若干部求售。此二层，均望阁下与子寅从中代恳。烈乞骸后久无笈稟，无颜渎陈，且异姓亦未便越俎耳。种俟高明鉴裁，不胜待望之至。稚五先生闻近权善地，陆君彦欣与孟與儿女姻亲，二处可函述苦况，冀有倾助，亦望酌之。

再者，吾里志局近有函至，属撰夫子及尊先伯凤翔公与弢老事略。烈受业师门仅道光癸卯一年，时十二岁耳，嗣后未尝从游。故出处大概全无知见。凤翔公亦仅壬寅、癸卯谒见数次。至弢老品性学诣，烈能状之如绘，然服膺其内，而忽略其外，其生平亦未能言之暨暨。凤翔公及弢老已函致孟甥家中，索取行状以备撰

述。夫子生前行谊事迹，当有尊藏志传，望即飞寄来南，转致局友，庶免后时。又弢老诗文、日记，其身后烈均为整理，定本仍交孟與，此时是否在遗篋中，务须查检见寄，切勿失落。并望，并望。

二十一日辛丑。晨阴，有雨意，下午仍晴。

访子谨，送其行，视登舟乃返。

二十二日壬寅。晴，甚暖，始衣夹。

写阿哥信，即发信局。颖侄信。同发。金眉生信，龚孝拱信。同发信船。

二十三日癸卯。大风扬沙翳日。

早至园课客作灌梅树，觉感风，下午微恙。

《艺舟双楫》第十二、十三卷：泾包世臣。

言书法精到，确有所得，而衍博矜采时亦不免。道光戊申余谒先生于白门，每晤必出枣木本阁帖以示，临行赠所书两纨扇及全书四种，后皆失之。继得此本于恽伯方，鸿仪。藏之亦垂二十年。取阅一过，念先哲之伦亡，慨书学之零替，为识于此。

二十四日甲辰。阴，微雨。

二十五日乙巳。晴。

写般仲信。即发信局。

接六姊二十一日信。接般仲二十一日信。

二十六日丙午。晴。

楼阴文杏盛开，赏对移晷。天放楼藏书检点写目至今日竟，共……

二十七日丁未。雨。

接金眉生二十三日信。

二十八日戊申。晴，晡后阴，夜雨。

疾少瘳。五日不窥园，自力往步，心意开豁，遂愈。

二十九日己酉。阴，下午晴。

三十日庚戌。晴，风。

阅《南村辍耕录》三十卷：

元陶宗仪著。非小说家，无精义，然从田间忆朝事掌故如此其详，纪分亦不可及耳。读《元史》者要不可不见。

三月丙辰

朔日辛亥。阴雨风寒。

昨衣衾尚烦躁不可耐，今日拥裘犹栗栗，夙夕之间，暄寒顿异，可怪也。

《皇陵碑》、《西征记》、《平西蜀记》，各一卷：

明太祖撰。虽无文藻，然质实得记载之体。

《孝慈录》一卷：

所争欲诸子为庶母服耳。无义理，但道私臆。

《纪梦》一卷、《周颠仙人传》一卷：

记即位前所梦及周颠事，以见明祖英雄而极信祯祥。古之帝王崛起寒微，其不能自信以信天，盖祸福之心胜，吊伐非能为民也。

《广寒殿记》、《御制诗》，各一卷：

明宣宗。颇有文笔。

《敕议或问》一卷：

明世宗。以孔子尊号不合礼意，及大内失火等事，与廷臣争辩，辞气鄙悖，无复君人之体。

《谕对录》一卷：

明张字敬。记其争张鹤龄狱事，措辞疾而所执坚，几以古之贤臣自居矣。然动称议礼之得罪于众以自昵而固宠，断非正人君子之所肯为。孟子曰：我知言，我善养吾浩然之气。奄然沾沮至此，则其中之所存可知。遂欲以此愚世，多见其不谅也。